

禮記

禮記卷第五

王制第六 禮記

鄭氏注

王者之制祿爵公侯伯子
男凡五等諸侯之上大夫

卿下大夫上士中士下士
凡五等天子之田方千里
公侯田方百里伯七十里
子男五十里不能五十里
者不合於天子附於諸侯
曰附庸天子之三公之田

視公侯天子之卿視伯天
子之大夫視子男天子之
元士視附庸制農田百畝
百畝之分上農夫食九人
其次食八人其次食七人
其次食六人下農夫食五

禮記卷之五
卷之三
二百三十五

人庶人在官者其祿以是
爲差也諸侯之下士視上
農夫祿足以代其耕也中
士倍下士上士倍中士下
大夫倍上士卿四大夫祿
君十卿祿次國之卿三大

夫祿君十卿祿小國之卿
倍大夫祿君十卿祿次國
之上卿位當大國之中中
當其下下當其上大夫小
國之上卿位當大國之下
卿中當其上大夫下當其

下大夫其有中士下士者
數各居其上之三分凡四
海之內九州州方千里州
建百里之國卅七十里之
國六十五里之國百有
廿凡二百一十國名山大

澤不以封其餘以爲附庸
間田八州州二百一十國
天子之縣內方百里之國
九七十里之國廿有一五
十里之國六十有三凡九
十三國名山大澤不以盼

其餘以祿士以爲閒田凡九州千七百七十三國天子之元士諸侯之附庸不與天子百里之內以共官千里之內以爲御千里之外設方伯五國以爲屬屬

有長十國以爲連連有帥
卅國以爲卒卒有正二百
一十國以爲州州有伯八
州八伯五十六正百六十
八帥三百卅六長八伯各
以其屬屬於天子之老二

禮記卷之五十三
三百六十三

人分天下以爲左右曰二
伯千里之內曰甸千里之
外曰采曰流天子三
公九卿廿七大夫八
十一元士大國三卿皆
命於天子下大夫五人

上士廿七人次國三卿
二卿命於天子一卿命
於其君下大夫五人上
士廿七人小國二卿皆
命於其君下大夫五人上
士廿七人天子使其大夫

爲三監監於方伯之國國
三人天子之縣內諸侯祿
也外諸侯嗣也制三公一
命卷若有加則賜也不
過九命次國之君不過
七命小國之君不過

五命大國之卿不過三命
下卿再命小國之卿與下
大夫一命凡官民材必先
論之論辨然後使之任事
然後爵之位定然後祿之
爵人於朝與士共之刑人

於市與衆弃之是故公家
不畜刑人大夫弗養士遇
之塗弗與言也屏之四方
唯其所之不及以政亦弗
故生也諸侯之於天子也
比年一小聘三年一大聘

五年一朝天子五年一巡
守歲二月東巡守至于岱
宗柴而望祀山川覲諸侯
問百年者就見之命大師
陳詩以觀民風命市納賈
以觀民之所好惡志淫好

辟命典禮考時月定日同
律禮樂制度衣服正之山
川神祇有不舉者爲不敬
不敬者君削以地宗廟有
不順者爲不孝不孝者君
絀以爵變禮易樂者爲不